

ԶԱՎԱԽՔՈՒՄ ՕԾՎԵՑ ՍՐԲՈՑ ԿՈՒՍԱՆԱՑ ԵԿԵՂԵՑԻՆ

«Ով որ գիտե, թե ինչ է բարին, և
չի անում, նրա համար այդ մեղք է»:
(ՆԱԿՈՐՈՍ 7 17)

2001 թ. հոկտեմբերի 28-ին Սամցխե-Ջավախքի փարածաշրջանի Արագվա գյուղում, ի հիշատակ վաղամեռիկ Հայաստան Յայլախանյանի, օծվեց Սրբոց Կուսանաց եկեղեցին: Օծման հանդիսավոր արարողությունը կատարվեց ձեռամբ վիրահայոց թեմի բարեխնամ առաջնորդ, Գերաշնորհ Ս. Գևորգ արքեպս. Սերայդարյանի: Ներկաների թվում էին Սամցխե-Ջավախքի առաջնորդական փեղապահ Նոգեշնորհ Ս. Բաբկեն արք. Սալբիյանը, Ախալքալաք քաղաքի Սուրբ Խաչ եկեղեցու հոգևոր հովիվ, Արժանապատիվ Ս. Սամվել քնն. Թորոսյանը, հոգևորականներ, փեղական իշխանությունների ներկայացուցիչներ, մեծաթիվ հրավիրյալներ փարածաշրջանից, ինչպես նաև Հայաստան աշխարհից:

ԼՎԱՅՈՒՄ ԵՎ ՕԾՈՒՄ

Երիտասարդ աղջնակի անսպասելի մահվանից ճիշտ մեկ փարի անց Արագվա գյուղի և փարածաշրջանի քրիստոնյա հայրուղիների առջև իր դռները հյուրընկալորեն բացեց գյուղին կից, զառիթափ բարձունքին դեպի երկինք վեր խոյացող Սրբոց Կուսանաց նորակառույց եկեղեցին:

Ժամը 13.00-ին սկսվեց եկեղեցու լվացման կարգը՝ համաձայն նախնյաց սրբազան արարողակարգի: Ըստ այդմ լվացվեց ողջ աղոթափուրը նախ սովորական ջրով, ապա՝ գինիով:

Հավարտ լվացման կարգի կատարվեց օծման հանդիսավոր արարողությունը: Հավուր պարտաճի գգեստավորված հոգևորականաց դասը, Վրաստանի հայոց թեմի առաջնորդ, Գերաշնորհ Ս. Գևորգ արքեպս. Սերայդարյանի գլխավորությամբ, թափոր կազմած և «Ուրախ լեր» շարականի երգեցողությամբ առաջնորդվեց դեպի եկեղեցու դուռը: Նենց մուրքի մոտ, դրսի կողմից, համաձայն «Մաշտոց» ծիսարանի, ընթերցվեցին սուրբգրային հատվածներ և համապատասխան սաղմոսներ:

Այս ևույն կերպ մտնելով փաճար, դարձյալ սուրբգրային ընթերցումներով, սաղմոսասացությամբ և շարականների երգեցողությամբ, ձեռամբ Գևորգ Սրբազանի, կատարվեց աղոթարան օծումը: Սրբալույս Մյուռնոնով համապատասխանաբար օծվեցին եկեղեցու չորս անկյունները, սյուները, հյուսիսային, հարավային և կենտրո-

նական դռները, Սեղանը, խորանները, իսկ վերջում՝ եկեղեցում գործածվելիք կահ-կարասին:

«Սրբոց Կուսանաց» եկեղեցու օծումը, որին ներկա էին մեծաթիվ ուխտավորներ, ավարտվեց ժամը 14.00-ին:

ԱՆԴՐԱՆԻԿ Ս. ՊԱՏԱՐԱԳ ՍՐԲՈՅ ԿՈՒՍԱՆԱՅ ԵԿԵՂԵՑՈՒՄ

Օծման հանդիսավոր արարողությունից անմիջապես հետո եկեղեցու զանգի երկնագնա դղղանջները սրբագործված փաճար էին հրավիրում հայ հավաքավորին՝ հոգու բերկրանքը, որպես մշտանորոգ աղոթք, առ Բարձրյալն առաքելու, Ամենակա-րող Տիրոջ խաղաղարար ու կենսատու լույսով վերարթնության անմեկնելի խոր-հուրդն ապրելու: Նորած եկեղեցում մատուցվեց անդրանիկ Սուրբ և անմահ Պա-տարագը: Օրվա պատարագիչն էր ուխտավորաբար Արագվա ժամանած Շիրակի թեմի Ս. Յոթվերք Մայր եկեղեցու ծիսակատար, Արժանապատիվ Տ. Խոսրով քնն. Մսեփանյանը:

Հընթաց մատուցվող Ս. Պատարագի, «Հայր մեր»-ից առաջ, հավուր պատշաճի քարոզ խոսեց Սրբազան Հայրը՝ ներկաներին մեկնելով օրվա խորհուրդը, եկեղեցու կառուցման առիթը, ապա նաև քրիստոնեական հավաքի խորախորհուրդ նշանա-կությունը յուրաքանչյուր քրիստոնյայի կյանքում: Իր խոսքի վերջում Սրբազան Հայ-րը աղոթք առաքեց առ Կենսապարգև Տերը՝ Հայաստան-դստրիկի հիշատակի պայ-ծառության և հոգու խաղաղության համար:

Ս. Պատարագից հետո քրվեց նաև սիրո ճաշ:

Հիրավի, ճշմարիտ հավաքավորի, առավել ևս հինավուրց Զավախք աշխարհում բնակվողի համար անչափ կարևոր է, աղոթելու հետ մեկտեղ, նաև իր աղոթատունն ունենալը, որ է այս պարագային Սրբոց Կուսանաց նորակառույց ու նորած եկեղե-ցին: Նաև հարկ է ջնոռանալ, որ մեր հինավուրց ժողովուրդը, իր աղոթքներով ու աղոթաբարներով, եղել է՝ և լինելու է բոլոր ժամանակներում, իսկ քրիստոնեական մեր հավաքը, իբրև Թաքոր լեռ, ուղեկցելու է մեզ դեպի հավիտենություն:

ՍԱՆԱՍԱՐ ԴՊԻՐ ՂՈՒԼԻԿՅԱՆ